

ff. eod. cum unusquisque sua voluntate potuerit locum religiosum facere, inferendo mortuum in locum suum. Ita Joseph ab Arimathia sepulcrum sibi construxerat in hortu. Verum *hodie non ita privati arbitrii est sepultura*, inquit Ictus omni laude major Dn. S. Struvius in *Syntagm. Jur. Civ. Exerc. 15. 8. 80. sed in publicis sive cœmeteriis*, hinc licitum quidem est, in alterius parochiæ cœmeteriò sepulcrum eligere, non tamen in loco planè non religioso & extra cœmeterium. Dn. Ziegl. d. l. adeoque parochi prohibere non possunt, ne parochiani alibi, quam in sua parochià sepeliantur. Ricc. p. 1. dec. 215. conf. Oldendorp. d. *Action. class. 2. act. 9.* Diximus: *cuiuslibet liberum esse, propriam sibi eligere sepulturam*, id quod locum habet etiam in muliere nupta, adeò, ut inconsulto quoque marito id ipsi liceat c. 7. *X d. sepult.* si tamen uxor non elegit sibi peculiarem locum, in sepulcrò Viri est sepelienda c. 3. *causa 13. q. 2.* conf. Carpz. d. l. *def. 393. n. 5.* & si plures Viros habuit successivè, in sepulcrò ultimi mariti sepelietur. c. 3. *d. sepult. in 6to. l. 10.*

6 *C. d. incol. lib. X. l. 13. C. d. Dignit. lib. XII.* etiamsi reversa fuerit ad domum patris. Abbas ad c. 7. *d. t. n. 6.* Eandem licentiam sepulcrum sibi eligendi habet quoque *filiusfamil.* etiam sine assensu patris sui. c. 4. *d. t. in 6to.* ratio est: quia in spiritualibus & sacris non attenditur patris consensus. c. ult. *d. judic. in 6to.* Sepultura autem est res sacra *can. 12. causa 13. q. 2. Ungep. ad Decret. tit. d. sepult. n. 18.* requiritur tamen ut sit pubes. Impubes igitur sepulturam sibi eligere nequit: pater tamen filio impuberi sepulturam eligere potest d. c. 4. *Durant. d. art. testand. tit. 9. caut. 4.* Impuberi similes sunt Religiosi, qui apud propria monasteria tumulandi, cum velle vel nolle non habeant, ut loquitur Pontifex c. *fin. d. t.* Potest autem electio hæc fieri etiam mediante ultimâ voluntate in testamento, Codicillis &c. Hinc Quær. *si testator in suo testamento dixit: jubeo corpus meum sepeliri in tali Ecclesiâ, & illi Ecclesiæ relinquo tale anniversarium, postea autem*

mu-